

Gipuzkoako PSE-EEK Redondo lehendakariyai izatea nahi du

Lopez Bizkaiko idazkari nagusia ere Redondoren alde agertu da

Manuel Huertas Gipuzkoako PSE-EEKo idazkari nagusiak jakinarazi duenez, Gipuzkoako sozialista gehienak Nikolas Redondo lehendakariyai izatearen aldeko dira. Patxi Lopez Bizkaiko sozialisten burua ere hautagaitza horren alde agertu da, eta Bizkaiko PSE-EEren jarra ere bera dela iradoki du.

Efe/Donostia

ARABAKO PSE-EEK Rosa Diezen hautagaitza defendatu zuen herenegun, datozen hauteskunde autonomikoetan sozialisten lehendakariyai izan dadin. Gipuzkoako eta Bizkaiko sozialistak, berriz Nikolas Redondoren hautagaitzaren alde daudela jakinarazi zuten bi probintzia horietako idazkari nagusiek.

Manuel Huertas Gipuzkoako idazkari nagusiak prentsurrekoa eskaini zuen atzo. «Herrialdeko militante esanguratsuen eta hainbat herritako taldeen iritzia bildu ostean, ikusi dut Gipuzkoan Redondo Terrorrosek gehiengoaren babesa duela»,



Gipuzkoako PSE-EEKo Batzorde Eragilea atzo bildu zen Donostian.

JUAN HERRERO/EFE

azaldu zuen Huertasek. Huertasen aburuz, «PSE-EEKo idazkari nagusia da azken kongresutik atera zen ildo politikoa hobekien ordezkatzen duena».

Patxi Lopez Bizkaiko PSE-EEKo idazkari nagusiarentzat ere Redondo da «hautagairik onena». Lopezek esan zuenez, «euskal sozialistek hasi dugun epe berri honetan martxan jartzen diren balore berriak hobekien ordezka-

tzen dituen da». Lopezek azaldu zuenez, Redondosi lehendakariyai izateko eskatu dio, onena izango dela uste duelako eta Bizkaiko hainbat alkatek eta kargu publikok hala esan diotelako.

Redondoren jarrerari dagokionez, aste honetan emango du erabakiaren berri, eta baliteke gaur bertan egitea. Itxura guztien arabera, Redondo hautagaitza onartzeko prest azalduko da. X

Eskumenak kendu nahia egotzi dio EAK Madrili

Baketzearen abiapuntua euskal herritarren borondatea errespetatzea dela dio

Efe / Gasteiz

PP-KO gobernua «espainiar nazionalismo berria» bultzatzen ari dela uste du Eusko Alkartasunak. «Gure autonomi estatutua deskafeinatu nahi du eta Euskal Autonomia Erkidgora transferitu ziren eskumenak berriz lortu», salatu zuen atzo Patxi Ormazabalek, Eusko Jaurlaritzako Lurralde Antolakuntzako sailburuak.

EAK batzarra egin zuen atzo Gasteizen, eta hitz egindakoaren berri eman zuten gero prentsurrekoan Ormazabalek eta Rafa Larreina alderdiko idazkariorde nagusiak. «Espainiako Gobernuak blokeatu egin nahi ditu emateke dauden transferentziak; ditugun eskumenen analisi zikoitza egiten du; transferitutako eskumenak atzera lortu nahi ditu oinarriko legeak deiturikoen bidez; eta, autonomi erkidego guztiak berdinak izan eta eskumen berak izan ditzagun nahi du», esan zuen Ormazabalek.

Jarrera horren adibide gisa aipatu zituen EAKo buruzagiak Humanitateen dekretua, Ertzaintzaren eta Estatuko

segurtasun indarren arteko gatazka, espetxeen gaineko transferentzia eta funtzio publikoko estatutuaren proiektua.

Euskal herritarren borondatearen errespetua

Espainiako Estatuko alderdi nagusiek euskal herritarren borondatea errespetatu egin behar dutela esan zuen Rafa Larreinak, eta baketze prozesuaren «abiapuntutzat» hartu behar dutela borondate hori.

Eusko Alkartasuna kezkatuta dago Euskal Herriaren baketze eta normalizazioaren inguruan sortu den eztabaida dela eta. «Asko hitz egiten ari da, baina ez da ezer egiten», esan zuen Larreinak.

Jose Antonio Ardanza lehendakariak bere proposamena Ajuria Eneko Ituneko alderdiei azaldu ondoren, Espainiako alderdiek «urduritasuna» erakutsi dutela uste du Larreinak, eta izan duten erreakzioa kezagarria iruditu zaio.

Alderdi estatalek beldur diote euskal herritarrek askatasunez eta demokratikoki har dezaketen erabakiari, Earen ustez. X

★ PRYCA ★
★ PRYCA ★
★ PRYCA ★
★ PRYCA ★
★ PRYCA ★
★ PRYCA ★
★ PRYCA ★

Markarik Onenak

Merkatuko Preziorik Onenetan



OLIBA OLIOA KOIPE
1° edo 0,4°
LITROKOA

339

ARROZA, LA CIGALA
KILOKOA **155**

LENTEJA PARDINA LA ASTURIANA, KILOKOA **175**

ETXEKO TXORIZOA SASA, GOZOA edo MINA
300 GR.ko PIEZA **289**

LEGATZ-XERRAK PESCANOVA, 400 GR. **345**

NAHASTE-GAZTA, KETUA ARATZMENDI, KILOA .. **695**

ERRIOXAKO ARDOA TRES REINOS
ONDUA, 75 CL. **325**

GARAGARDOA SAN MIGUEL
PACK 12 ALEKOA x 25 CL. **459**

KOMUNEKO PAPER COLHOGAR
18 ERROILU **469**

GARBIGARRIA SKIP
3 KILO **655**



PRYCA

OIARTZUN MERKATARITZA ZENTROAK

PREZIO HAEK OTSAILAREN 21era ARTE BALIOKO DUTE